



## ZAPISNIK

### **7. sjednice Bošnjackog nacionalnog vijeća u Republici Srbiji Novi Pazar, Glavni ured Vijeća, 07.09.2020. godine, 14:30h**

**PREDSJEDAVALA:** dr. Jasmina Curić – predsjednica Vijeća

**PRISUTNI:** dr. Sulejman Ugljanin, Salih Hot, Vasvija Gusinac, Muhedin Fijuljanin, dr. Jasmina Curić, Eldin Jejna, Behija Hadžić, Minela Kalender, prof. dr. Fahrudin Mavrić, Selma Kučević, dr. Fuad Bačićanin, Mirfat Tahirović, prof. dr. Sait Kačapor, Esad Rahić, Indira Gicić, dr. Nadir Dacić, dr. Dženeta Bogučanin, Elvir Eminbegović, dr. Mudžahid Muderizović, prof. dr. Misala Pramenković, prof. dr. Enver Gicić, prof. dr. Amela Lukač Zoranić, Jasmina Nikšić, Edin Đerlek i Ismet Bihorac.

**ODSUTNI:** Esad Džudžo, prof. dr. Jahja Fehratović, prof. dr. Admir Muratović, Zaim Redžepović, Sabahudin Hajdarević, Fadil Nikšić.

**OPRAVDANO ODUSTNI:** Hamza Halitović i Atifa Šaljić.

Predsjedavajuća je otvorila sjednicu Vijeća te je na samom početku uz pomoć sekretara Vijeća Mirze Hajdinovića, prozivkom utvrdila da sjednici Bošnjackog nacionalnog vijeća u Republici Srbiji prisustvuje 25 članova, odnosno vijećnika, te da ima kvorum da punovažno radi i odlučuje.

U skladu sa članom 36. Poslovnika pristupilo se usvajanju zapisnika sa 6. sjednice Bošnjackog nacionalnog vijeća u Republici Srbiji od 11. maja 2020. godine.

Predsjedavajuća je pozvala vijećnike da ukoliko imaju primjedbe na Zapisnik sa 6. sjednice Vijeća održane 11. maja 2020. godine, da ih iznesu.

Pošto se niko nije javio za riječ te nije bilo primjedbi na zapisnik predsjedavajuća je stavila prijedlog Zapisnika sa 6. sjednice Vijeća održane 11. maja 2020. godine, na glasanje.

Za usvajanje Zapisnika sa 6. sjednice Vijeća održane 11. maja 2020. godine, **19 vijećnika glasalo je ZA, PROTIV nije bilo, UZDRŽANIH nije bilo**, od ukupno 25 prisutnih vijećnika.

Predsjedavajuća je konstatovala da je Zapisnik sa 6. sjednice Bošnjackog nacionalnog vijeća u Republici Srbiji 11. maja 2020. godine, – **USVOJEN.**

Predsjedavajuća je prisutnima pročitala prijedlog Dnevnog reda koji su vijećnici dobili u materijalu za sjednicu i to:

1. Konstatovanje prestanka mandata članovima Izvršnog odbora Vijeća i izbor Izvršnog odbora Vijeća;
2. Konstatovanje prestanka mandata vijećnika Bošnjačkog nacionalnog vijeća;

Predsjedavajuća je konstatovala da je na osnovu člana 33. Poslovnika Vijeća, a na osnovu izvještaja stručnih službi Vijeća, a u skladu sa Poslovníkom Vijeća, pristigao prijedlog tačaka za dopunu dnevnog reda:

- Odluka o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku;
- Odluka o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Predsjedavajuća je pozvala predlagača, vijećnicu dr. Amela Lukač Zoranić, da obrazloži dopunu dnevnog reda.

Obzirom da nije bilo drugih prijedloga za izmjenu i dopunu dnevnog reda, predsjedavajuća je stavila na glasanje prijedlog za dopunu dnevnog reda 7. sjednice Vijeća, i to:

- Odluka o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku;

Predsjedavajuća je konstatovala da je usvojena prvi prijedlog dopune dnevnog reda 7. sjednice Vijeća, **25 vijećnika glasalo je ZA, PROTIV i UZDRŽANIH nije bilo**, od ukupno 25 prisutnih vijećnika.

Predsjedavajuća je stavila na glasanje sljedeći prijedlog za dopunu dnevnog reda 7. sjednice Vijeća, i to:

- Odluka o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Za usvajanje dopune dnevnog reda 7. sjednice Vijeća, **25 vijećnika glasalo je ZA, PROTIV i UZDRŽANIH nije bilo**, od ukupno 25 prisutnih vijećnika.

Predsjedavajuća je na osnovu člana 37. Poslovnika Bošnjačkog nacionalnog vijeća konstatovala da je prijedlog dopune dnevnog reda uvršten u prvobitni prijedlog dnevnog reda.

Pošto nije bilo drugih prijedloga za izmjenu i dopunu dnevnog reda, predsjedavajuća je pročitala još jednom dopunjeni prijedlog dnevnog reda i isti u cjelini stavila na glasanje, i to:

1. Konstatovanje prestanka mandata članovima Izvršnog odbora Vijeća i izbor Izvršnog odbora Vijeća;
2. Konstatovanje prestanka mandata vijećnika Bošnjačkog nacionalnog vijeća;
3. Odluka o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku;
4. Odluka o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Za usvajanje Dnevnog reda 7. sjednice Vijeća, **25 vijećnika glasalo je ZA, PROTIV i UZDRŽANIH nije bilo**, od ukupno 25 prisutnih vijećnika.

Predsjedavajuća je na osnovu člana 37. Poslovnika Bošnjačkog nacionalnog vijeća konstatovala da je za 7. sjednicu Bošnjačkog nacionalnog vijeća u Republici Srbiji usvojen sljedeći:

#### **DNEVNI RED**

1. Konstatovanje prestanka mandata članovima Izvršnog odbora Vijeća i izbor Izvršnog odbora Vijeća;
2. Konstatovanje prestanka mandata vijećnika Bošnjačkog nacionalnog vijeća;
3. Odluka o formiranju nezavisne stručne komisije koja će izvršiti revidiranje nastavnih planova i programa za obrazovanje na bosanskom jeziku;
4. Odluka o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

**PRVA TAČKA DNEVNOG REDA SJEDNICE:** Konstatovanje prestanka mandata članovima Izvršnog odbora Vijeća i izbor Izvršnog odbora Vijeća;

Pravni osnov za donošenje ove odluke sadržan je u članu 7. stav 4. Zakona o nacionalnim savetima nacionalnih manjina, članovima 14. i 32. Statuta Bošnjačkog nacionalnog vijeća, kao i članu 19. Poslovnika Bošnjačkog nacionalnog vijeća u Republici Srbiji.

Obzirom da su nastupili uslovi iz člana 44. Statuta Bošnjačkog nacionalnog vijeća, predsjedavajuća je pozvala vijećnike da konstatuju prestanak mandata Izvršnog odbora Vijeća izabranog na petoj redovnoj sjednici Vijeća od 19.12.2019.godine

Za usvajanje prve tačke dnevnog reda – Konstatovanje prestanka mandata članovima Izvršnog odbora Vijeća – **19 vijećnika glasalo je ZA, PROTIV nije bilo, UZDRŽANIH nije bilo**, od ukupno 25 prisutnih vijećnika.

Predsjedavajuća je zaključila da je Bošnjačko nacionalno vijeće **konstatovalo prestanak mandata** Izvršnog odbora Vijeća izabranog na petoj redovnoj sjednici Vijeća od 19.12.2019.godine.

Na osnovu člana 7. stav 4. Zakona o nacionalnim savetima nacionalnih manjina, člana 14. stav 1. tačka 4. i člana 32. Statuta Bošnjačkog nacionalnog vijeća, člana 19. Poslovnika Bošnjačkog nacionalnog vijeća, sačinjen je **PISANI PRIJEDLOG ZA IZBOR PREDsjedNIKA, POTPREDsjedNIKA I ČLANOVA IZVRŠNOG ODBORA BOŠNJAČKOG NACIONALNOG VIJEĆA.**

Prijedlog predsjednice Vijeća sačinjen u skladu sa Statutom i Poslovníkom Vijeća, u pisanom obliku i biografijama kandidata za predsjednika, potpredsjednika i 5 članova Izvršnog odbora, dostavljen je u materijalu uz poziv za 7. sjednicu Vijeća.

Predsjedavajuća je otvorila raspravu o kandidatima za predsjednika, potpredsjednika i članove Izvršnog odbora.

U raspravi učestvovala dr. Amela Lukač Zoranić.

Predsjedavajuća je podsjetila da se u skladu sa članom 33. Statuta Bošnjačkog nacionalnog vijeća o prijedlogu za izbor predsjednika, potpredsjednika i članove Izvršnog odbora odlučuje u cjelini.

Pošto više nije bilo prijavljenih za raspravu, predsjedavajuća je stavila na glasanje prijedlog za izbor predsjednika, potpredsjednika i članova Izvršnog odbora Bošnjačkog nacionalnog vijeća.

Za usvajanje prve tačke dnevnog reda – Izbor predsjednika, potpredsjednika i članova Izvršnog odbora Bošnjačkog nacionalnog vijeća.– **19 vijećnika glasalo je ZA, PROTIV nije bilo, UZDRŽANIH nije bilo**, od ukupno 24 prisutna vijećnika.

Predsjedavajuća je zaključila da je Vijeće izabralo predsjednika, potpredsjednika i članove Izvršnog odbora Bošnjačkog nacionalnog vijeća i to:

*Za predsjednika Izvršnog odbora Vijeća prof. dr. Fahrudin Mavrić, univerzitetski profesor iz Novog Pazara.*

*Za potpredsjednika Izvršnog odbora Vijeća Elvir Eminbegović, industrijski menadžer iz Novog Pazara.*

*Za članove Izvršnog odbora Vijeća:*

- 1. Mirfat Tahirović, dipl. inženjer građevine iz Tutina;*
- 2. Behija Hadžić, inženjer tehnologije iz Nove Varoši;*
- 3. Minela Kalender, dipl. sanitarni inženjer iz Sjenice;*
- 4. Selma Kučević, diplomirani pravnik iz Tutina i*
- 5. Dr. Nadir Dacić, doktor filoloških nauka iz Prijepolja.*

**DRUGA TAČKA DNEVNOG REDA SJEDNICE:** Konstatovanje prestanka mandata vijećnika Bošnjačkog nacionalnog vijeća;

Predsjedavajuća je podsjetila vijećnike da je članom 11a. stav 2. Statuta Bošnjačkog nacionalnog vijeća propisano kada vijećniku prestaje mandat prije isteka mandata Vijeća.

Obzirom da su za rahmetli prof. dr. Hasima Mekića nastupili razlozi po ovom članu i pošto se radi o konstatovanju prestanka mandata o čemu se ne otvara rasprava, predsjedavajuća je pozivala vijećnike da konstatuju prestanak mandata prof. dr. Hasima Mekića.

Za usvajanje druge tačke dnevnog reda – Konstatovanje prestanka mandata vijećniku prof. dr. Hasimu Mekiću – **19 vijećnika glasalo je ZA, PROTIV nije bilo, UZDRŽANIH nije bilo**, od ukupno 24 prisutna vijećnika.

Predsjedavajuća je zaključila da je Bošnjačko nacionalno vijeće u Republici Srbiji konstatovalo prestanak mandata vijećniku prof. dr. Hasimu Mekiću.

Predsjedavajuća je podsjetila vijećnike da je na osnovu Zakona o nacionalnim savetima nacionalnih manjina član 41. stav 2. tačka 3., „članu nacionalnog saveta mandat prestaje pre isteka mandata nacionalnog saveta u koji je izabran:

3) ako duže od godinu dana ne prisustvuje sednicama nacionalnog saveta.“

Uvidom u službenu evidenciju prisutnosti vijećnik Esad Džudžo od 24.juna 2019.godine nije prisustvovao sjednicama Vijeća, te mu je prestao mandat zbog neučestvovanja u radu Vijeća duže od godinu dana. Pošto se radi o konstatovanju prestanka mandata o čemu se ne otvara rasprava, predsjedavajuća je pozvala vijećnike da konstatuju prestanak mandata.

Za usvajanje druge tačke dnevnog reda – Konstatovanje prestanka mandata vijećniku Esadu Džudžu – **19 vijećnika glasalo je ZA, PROTIV nije bilo, UZDRŽANIH nije bilo**, od ukupno 24 prisutna vijećnika.

Predsjedavajuća je zaključila da je Bošnjačko nacionalno vijeće u Republici Srbiji konstatovalo prestanak mandata vijećniku Esadu Džudžu..

**TREĆA TAČKA DNEVNOG REDA SJEDNICE:** Odluka o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku;

Predsjedavajuća je otvorila raspravu po trećoj tački dnevnog reda. U raspravi učestvovao vijećnik Esad Rahić.

Pošto se više niko nije javio za riječ predsjedavajuća je stavila na glasanje prijedlog Odluke o formiranju nezavisne stručne komisije koja će izvršiti revidiranje nastavnih planova i programa za obrazovanje na bosanskom jeziku;

Za usvajanje treće tačke dnevnog reda – prijedlog Odluke o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku– **24 vijećnika glasalo je ZA, PROTIV nije bilo, UZDRŽANIH nije bilo**, od ukupno 24 prisutna vijećnika.

Predsjedavajuća je zaključila da je Vijeće usvojilo Odluku o formiranju nezavisne stručne komisije koja će izvršiti revidiranje nastavnih planova i programa nastave i učenja na bosanskom jeziku;

**ČETVRTA TAČKA DNEVNOG REDA SJEDNICE:** Odluka o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Predsjedavajuća je otvorila raspravu po trećoj tački dnevnog reda. Niko od prisutnih vijećnika se nije javio za riječ.

Predsjedavajuća je stavila na glasanje prijedlog Odluke o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Za usvajanje četvrte tačke dnevnog reda – prijedlog Odluke o podnošenju izvještaja o realizaciji i kvalitetu nastave na bosanskom jeziku od strane Izvršnog odbora– **24 vijećnika glasalo je ZA, PROTIV nije bilo, UZDRŽANIH nije bilo**, od ukupno 24 prisutna vijećnika.

Predsjedavajuća je zaključila da je Vijeće usvojilo Odluku o podnošenju izvještaja o realizaciji i kvalitetu nastave na bosanskom jeziku od strane Izvršnog odbora.

Predsjedavajuća je konstatovala da je ovim iscrpljen Dnevni red 7. (sedme) redovne sjednice Bošnjačkog nacionalnog vijeća u Republici Srbiji i sjednicu proglasila završenom i istu zatvorila.

**NAPOMENA 1:** Sjednica je završena u 15:20 h.

**NAPOMENA 2:** Ovo je prijedlog Zapisnika sa 7. sjednice Vijeća, koji će biti usvojen na narednoj sjednici Bošnjačkog nacionalnog vijeća u Republici Srbiji.

**NAPOMENA 3:** Zapisnik je sačinjen na 7 (sedam) strana.

Novi Pazar, 23.12.2020. godine

Broj: 903-15/2020

## PREDSJEDAVAJUĆA



Dr. Jasmina Curić

SEKRETAR VIJEĆA

Mirza Hajdinović